

کتاب طبرستان

اون بش کونده بر نشر اولنور دینی ، علمی مجموعه اسلامیہ در

صاحب و مدیر مسئول

ابو العلاء زین العابدین

تاریخ تأسیسی

۱۳۳۰

عدد : ۵ ۱۲ رجب سنه ۱۳۳۰ پنجشنبه ۱۴ حزیران ۱۳۲۸ برنجی جلد

تراجم احوال :

جنابی

مورخ مصطفی جنابی افندی :

مورخین عثمانیه فضلاسندن مدقق بر ذات اولوب مولداً (آماسیه) لی موطنناً (بروسه) لی (امیر حسن) افندیك مخدومیدر . کنیه‌سی (ابو محمد مصطفی ابن السید حسن ابن السید سنان ابن السید احمد الحسینی) اولوق اوزره مضبوطدر . علوم آلیه و عالییه مولانا (ابوالسعود) دن بالتحصیل استانبول ، بروسه ، ادرنه مدارسنده تدریسی اکیلدن سوکره مسلك حکامه کچهرک (حلب) قاضی لککنه نصب اولوندی . و اواخر مأموریتنده خسته‌لتهرق یرینه برادرلی (سعودی) افندی تعیین ایدلدی . برادرینه ملاقاتندن بر بوجوق سنه سوکره (۹۹۹) سنه‌سی ایچنده (حلب) ده ارتحال ایلهدی . آثارلی غیر مطبوع اولوب تحقیق ایدیله‌بیلنلری بوجه آتی در :

۱ (علم الزاخر فی احوال الاوائل والاواخر) : بر مقدمه سکسان ایکی باب اوزره مرتب ایکی جلد کبیر عربی عبارده بر تاریخ عمومی درکه نسخه‌لری استانبول کتبخانه‌لرینک بر قاچنده وارددر . کاتب چلبی مرحوم بو اثرلی (کشف الظنون) ده (البحر الزخار و العلم الثیار) اسمیله توصیف اولونغانسی ترجیح ایدیور . فهرسنگ بر قسمی بویه‌در : (مقدمه ، معنی النبوة والرسالة و ذکر اول ماخلق الله تعالی ، باب اول ، انبیا ، باب ثانی ذکر بعض الاسم ، باب ثالث ، ملوک فرس ، باب رابع ملوک یونان باب خامس ملوک روم باب سادس ملوک بنی اسرائیل باب سابع سلاطین مصر) صوک بابی آل شیخ حیدر الاسماعیلی در تاریخ اسلام قسمی دهاها مفصل اولوب بو میانده اولان تاریخ عثمانی قسمی ده دیگر اقسامه نسبتله مفصل اولمغله برابر زمانه قدر کچن وقایع مندرجدر . اثرک اهمیتی مصر فضلالی ادبلسندن احمد زکی پاشا حضرت‌لرینک نظر دقتی جلب ایلهدیکندن مصرده طبیبی مصممدر مؤلف خطیله محرر برنجی جلدک مسوده‌سی فضلالی عسکریه‌دن بغدادی اسماعیل پاشا حضرت‌لرینک کتبخانه‌لرنده در .

۲ (مختصر علم الزاخر) : هرایکی جلدک مختصر و منقح بر صورتده محتویاتی جامع اولوب تورکجه‌در . آلتمش باب اوزره مرتب اولان بو اثرک فهرسنگ بر قسمی بویه‌در :

(برنجی باب سیر نبی ، ایکنجی باب خلفاء راشدین ، اوچنجی باب بنی امیه دردنجی باب عباسیه) اصلیه مختصری اولان بو اثر (نور عثمانیه) کتبخانه‌سنده موجوددر .
 ۳ سبع السيار ، قیافت ، فراست ، غالب و مغلوب ، کف ، کتف ، مقادیر اصابع دن باحثدر . نقیب‌الاشراف سیدمحمد رضا افندینک بو اسمده کی اثری ملوک تاتار احوالندن باحث اثر دیکردر .

۴ تاریخ بلاد مغرب : حکومت مغاربه دن باحثدر .

۵ نهایت المرام و بحر جواهر الکلام علم تاریخدن عربی براتردر : [مؤلفین غربدن (علی بن غالب) کده (نهایت المرام فی ذکر الخلفاء والایام) اسمنده بر منظومه‌یی واردر .]

۶ جواهر الغرائب :

۷ فرصتنامه :

۸ الحضرة الخضرة والحديقة النظرة

طبیعت شعریه‌ده مالک اولوب السنه ثلاثهده انشاد فطمه مقتدر ایدی . اشعار تورکیه‌سی رنگین اولدینی کبی اشعار عربیه‌سی‌ده بر شاعر بلیغ عربی درجه‌سنده استادانهدر . اشعار تورکیه‌سندن :

دود آهنی خدا یرده قوماز مظلومک

مصر اعیله :

ییلعه‌دی قدرینی حیف اودر نایابک

دست امواج ایله دریا قودو کونسون یوروسون

یاتی نزد شعرا ده زبانه‌دردر .

بروسه‌لی

محمد طاهر به رفعت

مکتبلرده تدریسات دینه

بر قومک موجودیت ملیه‌سی اک زیاده انقلاب دوره‌لرنده تهلیکیه معروض قالیر . بنیاد اجتماعی و اخلاقینک اک بحرانی ، اک جفهدار زمانی ینه بو دوره‌لردر . وطنک امید سعادتیه ترمین قلبلارک ، ملته شهراه سلامتی آجغه چالیشان منور وزنده دماغلرک اک زیاده بو زمانلرده فعالیت کوسترملری ایجاب ایدر .